

第一四一冊

方輿彙編

職方典

處州府部

福建總部

福州府部

(卷)

1012-1030

1031-1051

1052-1080

古今圖書集成

中華書局影印



古今圖書集成

卷一百一十五

欽定古今圖書集成方輿彙編職方典

第一千二十七卷目錄

處州府部彙考一

處州府建置沿革考

處州府疆域考

有圖

形勝附

處州府星野考

處州府山川考

處州府城池考

處州府關梁考

職方典第一千二十七卷

處州府部彙考一

處州府建置沿革考

本府

通志

處州古揚州地春秋戰國屬越越亡入楚秦滅楚以其地爲閩中郡漢孝惠三年論助漢功立越王後搖爲東海王都東甌是爲東甌國建元三年閩越發兵擊東甌東甌王望舉國內徙其地遂空始元二年遺民始出乃置回浦治二縣屬會稽郡建武初廢回浦縣改治縣爲章安興平二年析章安南鄉置松陽縣吳太平二年分置臨海郡領章安松陽二縣晉太康元年分天下爲十九州揚州統郡十八臨海隸焉太寧元年分立永嘉郡領松陽縣而章安自屬臨海郡別見台州宋元嘉三十年分揚州爲會州統末嘉郡孝建初改會州爲東揚州後省入揚州改揚州刺史曰牧永嘉隸焉梁普通六年復立東揚州陳末定三年省東揚州并屬揚州改永嘉

郡爲縉州天嘉三年復爲永嘉郡更置東陽州永嘉屬之隋開皇九年省東揚州廢永嘉郡置處州析松陽之東鄉置括蒼縣處州之領縣二曰松陽括蒼十二年改處州爲括州大業三年改括州爲永嘉郡領括蒼松陽二縣唐武德四年以松陽爲松州復以永嘉郡爲括州領括蒼一縣八年廢松州爲松陽縣貞觀元年括州隸江南道聖曆初析括蒼置縉雲縣景雲二年析括蒼置青田縣析松陽置遂昌縣而括之領縣凡五曰括蒼松陽縉雲青田遂昌開元二十一年以括州隸江南東道天寶元年改括州爲縉雲郡至德二載分江南爲浙東西道縉雲郡隸東道乾元初改縉雲郡爲處州析括蒼置龍泉縣而處之領縣加一後處州復爲括州時不可攷大曆十四年合浙東西爲兩浙道復以括州爲處州避代宗太子适名也括蒼亦改爲麗水建中初復分浙東西道二年合貞元三年復分分時處隸於東梁開平初封錢鏐爲吳越王處屬吳越國四年錢鏐與楊行密仇惡聞其姓改松陽郡爲長松晉天福四年改長松縣爲白龍宋太平興國二年錢俶納土吳越國除處州領縣六曰麗水白龍縉雲青田遂昌龍泉至道三年處州屬兩浙路咸平二年改白龍仍爲松陽縣熙寧七年分浙東西爲兩路九月合九年復分十年復合分時處隸東路宣和四年詔避龍字改龍泉爲劍川紹興初復爲龍泉縣二年又分浙爲東西二路東路治紹興府督處州慶元

三年析龍泉置慶元縣而處之領縣凡七曰麗水松陽縉雲青田遂昌龍泉慶元元至元十三年改處州爲處州路屬江淮行省二十一年改曰浙江等處行中書省處州路屬之至正戊戌明克處州路改爲處州府洪武元年隸浙江等處行中書省九年改爲浙江等處承宣布政使司處州府隸焉領縣七仍宋舊景泰二年析麗水置雲和宣平二縣析青田置景寧縣而處之領縣加三凡十縣曰麗水青田縉雲松陽遂昌龍泉慶元雲和宣平景寧

皇清因之

麗水縣

附郭

隋析松陽置括蒼縣屬處州尋屬括州尋屬永嘉郡唐括蒼縣屬括州尋又屬縉雲郡尋屬處州後改名麗水縣後五代麗水縣屬吳越國宋麗水縣屬處州元麗水縣屬處州路明麗水縣屬處州府

皇清因之

青田縣

唐析括蒼置青田縣屬括州尋屬縉雲郡尋屬處州後五代青田縣屬吳越國宋青田縣屬處州元青田縣屬處州路明青田縣屬處州府

縉雲縣

唐析括蒼置縉雲縣屬括州尋屬縉雲郡尋屬處州後五代縉雲縣屬吳越國宋縉雲縣屬處州元縉雲縣屬處州路明縉雲縣屬處州府

皇清因之

松陽縣

漢析章安置松陽縣屬會稽郡三國吳松陽縣屬臨海郡晉松陽縣屬永嘉郡宋齊梁陳因之隋松陽縣屬處州尋屬括州尋屬永嘉郡唐改爲松州後州廢復爲松陽縣屬括州尋屬縉雲郡尋屬處州後五代改爲長松縣後以歲旱禱雨有白龍見改名白龍縣屬吳越國宋仍爲松陽縣屬處州元松陽縣屬處州路明松陽縣屬處州府

處州府

皇清因之

遂昌縣

唐析松陽置遂昌縣屬括州尋屬縉雲郡尋屬處州後五代遂昌縣屬吳越國宋遂昌縣屬處州元遂昌縣屬處州路明遂昌縣屬處州府

皇清因之

龍泉縣

唐析括蒼置龍泉縣屬括州尋屬縉雲郡尋屬處州後五代龍泉縣屬吳越國宋龍泉縣屬處州元龍泉縣屬處州路明龍泉縣屬處州府

皇清因之

慶元縣

宋析龍泉置慶元縣屬處州元慶元縣屬處州路明慶元縣屬處州府

皇清因之

雲和縣

明析麗水之元和鄉置雲和縣屬處州府

皇清因之

宣平縣

明析麗水之宣慈等鄉置宣平縣屬處州府

皇清因之

景寧縣

明析青田之柔遠諸鄉置景寧縣屬處州府

皇清因之

處州府疆域圖



處州府疆域考

府志

本府

東至台州府二百九十五里

西至衢州府五百一十里

南至溫州府六百三十里

北至金華府三百五十里

東南至溫州府二百六十五里

西南至福建建寧府八百二十里

東北至金華府二百七十八里

西北至金華府三百二十里

自府治至

京師四千五百八十里

東西廣四百四十里南北袤五百八十里

麗水縣

麗水附邑也東至青田縣界二十五里至縣一百五十里

西至松陽縣界五十里至縣一百四十里

南至景寧縣界一百一十里至縣一百二十里

北至縉雲縣界五十里至縣九十里

東南至青田縣界六十里

東北至縉雲縣界八十里

西南至景寧縣界一百二十里

西北至宣平縣界四十里至縣一百二十里

東西廣九十里南北袤一百八十里

青田縣

府東一百五十里爲青田東至溫州府永嘉縣

界三十里至縣一百二十里

西至

南至瑞安縣界一百里至縣一百五十里

北至縉雲縣界一百里至縣一百六十里

東南至瑞安縣二百里

東北至台州府僊居縣三百四十里

西南至福建政和縣七百七十里

西北至縉雲縣二百四十里

東西廣一百四十里南北袤一百五十里

縉雲縣

府北九十里爲縉雲縣東至台州府僊居縣界八十五里至縣一百七十里

西至麗水縣界三十五里至縣九十里

南至青田縣界六十里至縣一百六十里

北至金華府永康縣界四十里至縣八十里

東南至僊居縣一百五十里

西北至東陽縣一百六十五里

西南至麗水縣九十里

西北至永康縣八十里

東西廣一百六十里南北袤一百七十里

松陽縣

府西一百四十里爲松陽東至麗水縣界七十里至縣一百四十里

西至龍泉縣界一百二十里至縣二百二十里

南至雲和縣界七十五里至縣一百二十里

北至宣平縣界三十里至縣六十里

東南至麗水縣一百三十里

東北至宣平縣一百一十里

西南至龍泉縣一百九十里

西北至遂昌縣六十里

東西廣一百九十里南北袤一百三十里

遂昌縣

府西二百里爲遂昌東至松陽縣界二十里至縣六十里

西至衢州府江山縣界一百里至縣二百三十里

南至龍泉縣界九十里至縣一百八十里

北至衢州府龍游縣四十里至縣一百二十里

東南至松陽縣七十里

東北至金華縣二百里

西南至龍泉縣二百四十里

西北至衢州府西安縣一百七十里

東西廣一百里南北袤一百里

龍泉縣

府西南三百一十里爲龍泉東至雲和縣界八十里至縣一百二十里

西至慶元縣界七十里至縣一百七十里

南至景寧縣界八十里至縣二百里

北至遂昌縣界九十里至縣一百八十里

東南至麗水縣二百四十里

東北至松陽縣二百二十里

西南至建寧府浦城縣一百六十里

西北至遂昌縣二百四十里

東西廣一百七十里南北袤二百里

慶元縣

府西南四百里爲慶元東至福建壽寧縣界九十里至縣一百九十里

西至福建松溪縣界三十里至縣八十里

南至福建政和縣界五十里至縣一百里

北至龍泉縣界六十五里至縣一百七十里

東南至政和縣一百五十里

東北至景寧縣界一百里至縣二百里

西南至政和縣九十里

西北至龍泉縣一百五十里

東西廣二百里南北袤一百二十五里

雲和縣

府南一百一十里爲雲和東至麗水縣界四十里至縣一百一十里

西至龍泉縣界四十里至縣一百二十里

南至景寧縣界二十里至縣四十里

北至松陽縣界五十里至縣一百二十里

東南至青田縣二百里

東北至松陽縣一百里

西南至景寧縣三十五里

西北至龍泉縣一百七十里

宣平縣

府西北一百一十里爲宣平東至縉雲縣界一百里至縣一百四十里

西至東陽縣界三十里至縣六十里

南至麗水縣界八十里至縣一百二十里

北至金華府武義縣界六十里至縣一百一十里

東南至麗水縣界六十里至縣一百一十里

東北至武義縣一百一十里

西南至雲和縣一百七十里

西北至遂昌縣一百四十里

東西廣一百六十里南北袤一百四十里

景寧縣

府南一百四十里爲景寧東至青田縣界一百

一十里至縣三百里

西至慶元縣界一百一十里至縣三百五十里

南至溫州府泰順縣界一百五十里至縣二百

里

東南至泰順縣二百二十里

西南至慶元縣三百里

東北至青田縣三百二十里

西北至麗水縣一百二十里

東西廣二百三十里南北袤一百九十里

形勝附

府屬總

昔太史公曰大荒內名山約五千其中國則以

五嶽作鎮而以括羅浮等山爲佐命考之斯言

處之形勝可知其槩

元和郡縣志云湍流險阻九十里間五十六灘

宋楊億之爲州也與章廷評書云引領西目羣

峯倚天清溪南奔淺深見底又億與李起居書

郡齋迴在霄漢石磴盤曲策馬征登嵐靄滴衣

烟霞滿目其稱於昔人如此若夫東飲甌江西

挽閩嶠大溪繞其南層峯鎮其北雖東南名區

未必能甲於此

處州府星野考

府屬總

舊志處州天文屬斗分野前漢地理志云吳地

斗分野今之會稽等郡晉天文志自斗十二度

至須女七度爲星紀吳越之分野

府志

處州府山川考

本府 麗水縣附郭

棗山 今郡治在其麓

菱山 王宗茂詩地迴雙峰起林幽翠色分亭

臺依斷處花外度春雲

錦山 在府城內西北與菱山相接多時桃若

錦繡然

月山 海月初升此山先得其光

萬象山 俯臨城邑城中山之最高者

通志

姜山 前爲酒稅局

梅山 山上下皆何氏宅

釋山 在府城內西南

富山 古三皇嶺

壽圓山 爲郡治鎮山

白雲山 在府城北十里

麗陽山 在府城北十里

稽勾山 距城一百里巔甚崔巍盤繞二十餘

里與武義龍門山相峙

劉山 明宣德間溫守何文淵卻金於此

大連雲山 一名沙溪尖巉岩陡絕上連雲霄

與青田小連雲山相界

大杉原山 跨麗水雲和之間山下有大杉狐

梯二潭

木寮山 景寧接界

石羊山 山如羊狀

天馬山 山形如馬又如幞頭俗呼幞頭山

南明山 在府城南七里

大梁山 在縣南二十里北跨麗水南跨青田

巾子山 在府城東南十里山形如巾其頂有

塔嘗爲雷擊俗呼爲天噴塔

少微山 在府城東南十里

高畲山 去郡西五十里

鴈鳥山 有三峯在高畲之南上曰靈峯中曰

翠峯下曰岑峯俱有僧舍林巒秀麗爲諸山冠

風門山 在府城西三十里上有二穴深蓬風

自中出

石僧山 在府城西四里

天王山 距府城二里上建天王寺

桃山 舊多產桃去郡西五里

小括蒼山 衆山環簇狀如蓮花又名蓮花山

佛頭巖 下二十里爲青田界

天堂洞 距城三十五里上有迎天堂下有蟄

龍洞祈雨輒應郡東山之最高者

桃花隘 麗縉分界守此則台婺之變可遏

麗陽溪 溪設二閘旱則開入溪之水以灌城

潦則開入城之水以歸溪原有閘夫二名以司

啓閉不知閘夫革自何時并舊閘基蹟俱不可

考已一遇乾溢惟受其害而不蒙其利

活溪 在太平有渡

洞溪 在東溪二里唐貞元中郡守李敬仲愛

其林壑之勝買山築室爲棲隱之地賦洞溪十

詠官滿捨爲寺

大溪 有浮橋又名官渡庠生王應瑞造船撥

租作義渡當道旌其閭

碧湖 鄉人立市於此以丑辰日集諸貨物交

易邑西一都會也

貓兒潭 昔有術者撒籠於百尺潭以禱龍奔

化爲貓入潭故名

石牛潭 又名鏡潭爲上遊諸邑要津有通濟

橋維舟爲浮梁其法三年一修五年一造額設

橋兵四十名典守分坐麗松遂龍慶雲景七縣

每名均徭編銀五兩半給橋兵工食半解府爲

修造費

甘泉 在黃山前渡

突星瀨 在縣東四十五里一名箭溪晉王右

軍遊此嘆其奇絕遂書突星瀨三字於石後里

人苦州縣摹打之繁推石墮水中又名惡溪

柳灘 有渡

水東 沈岸渡

水障 用石礮甃堅固水不爲患郡城賴之按

水障之設所以障上流東衝厥功甚大

青田縣

青田山 在縣西北一里

錦屏山 在縣西三里許端方如屏几蒼崖翠

靄猶錦繡然

湧泉山 在縣東一里

東寶山 在縣東十里高聳數十仞廣倍之儼

如端冕正笏

披雲山 在縣南五里高數百丈若雲翔波湧

勢

金田山 在縣北十里

大鶴山 爲第十三洞天也周迴五百里又永

嘉志青田有雙白鶴年年生子子長飛去又道

書載圓鶴洞天在青田漳南

文筆山 在縣東十里

巾子山 卓立如巾爲縣第一高峰絕頂一覽

福台溫處四郡皆在目前上有龍湫祈禱輒應

石門山 在城南七十里即道書所載石門洞

天臨溪兩峰壁立高數百丈對峙如門深入爲

洞可容數千人飛瀑千仞冬夏不竭積瀑潏洄

爲潭深數十丈

南田山 在縣南一百五十里下有黃莊樓百

丈際右有吳阜橋古稱七十二福地南田山居

其一劉誠意族居此山周迴廣袤二百里多田

土沃宜稻歲旱豐稔如常

丁公尖山 在縣西十里

應台山 山自天台綿互而來故名內有高湖

石蓋山 二石峙立中有大石橫覆其上下可

容數十人中有鶴昇橋

石佛山 在縣西五里濱溪有石高二丈餘其

狀如佛按一統志一日洪水石佛失其首夜授

夢於漁人網得之告僧安置如故

大小連雲山 在縣西南一百二十里

石樓山 在縣西七十里雲霧擁結若樓臺狀

顧野王地誌有石樓三山並高數百尺疑即此

中有鶴昇大橋

葱陽山 在縣西五十里

占陽山 在縣西一百里

芝溪嶺 一名天梯嶺道路往來莫可措趾故

崎嶇險峻莫甚且當衝要人馬難行寺僧仁達

募工改築因而往來稱便

浣紗溪 宋謝靈運遊石門入鶴沐鄉溪有二

女浣紗嘲以詩曰我是謝康樂一箭射雙鶴試

問浣紗娘箭從何處落二女不顧又嘲曰浣紗

誰氏女香汗濕新雨對人默無言何事甘辛苦

既而二女答曰我是溪中鮒暫出溪頭食食罷

却還潭雲蹤何處覓忽躍入溪中不見

縉雲縣

翠微山 縣之鎮山

雲塘山 在縣北朝京門外

雪峰山 在縣西五十里懸崖百丈飛泉如練

有二龍潭

大小君子山 在縣西北十五里二山相近秀

麗可愛

吏隱山 在縣左即窪鑄山唐令李陽冰公餘

遊息於此篆吏隱山三字於壁鑿岩爲窪鑄其

跡尚存

金紫山 在溪南與縣相對

仙都山 在縣東二十三里古名縉雲山按道

書洞天三十六此第二十九也爲元都祁仙洞

天圖經云唐天寶七載六月八日綵雲起於李

溪源覆繞茲山獨峰之頂雲中仙樂響亮鸞鶴

飛舞俄聞山呼萬歲者九諸山皆應自申至亥

乃息刺史苗奉倩上其事勅改今名

步虛山 在鼎湖東軒轅煉丹於此山巔平敞

有若壇墀又有峰形如北斗一名斗岩

大象山 在縣西南二十里其狀似臥象

大姥山 在縣西南三十五里中有石室可容

數百人

小蓬萊 在縣東十二里仙都山西怪石奇樹

峭立數刃劉焞大書小蓬萊三字多題味鑄於

石

姑婦山 在縣東十五里

初陽山 按一統志在仙都山隔岸臨金華潭

石屋連環玲瓏虛敞啓明時日光先受故名唐
令李陽冰篆初陽山三字相傳有倪翁隱此又
篆倪翁洞三字

萬松山 在縣東五里山勢盤旋林巒森秀

括蒼山 一名蒼嶺仙居連界圖經十八洞天

此爲第十名成德隱真洞天周迴三百里

靈龜山 在縣東三十五里石皆龜紋

赤岩山 在縣東六十里岩色如頰吳城鎮之

水口山也

官山 在縣東七十里東接台州境

大岬山 在十四都上有七十二洞界青田

黃龍山 施史君築寨於此以禦盧約有石如

臺傳爲史君拜臺亦耿再成駐師處

歷山 在縣西北三十里有摧車坊架鼓岩舜

廟舜井舜田龍田可禱

黎山 在縣西北二十五里舊傳有龍遺縈於

此因名

仁壽山 在縣西北五十里

瀑布山 在縣北三十五里飛泉洒落三百餘

丈

葛竹山 在縣西北五十里世傳葛洪煉丹於

此遺筆化笄成行人取其笄可書數十字

大盤山 在縣東一百五十里水源從此出與

東陽界

岱嶺 在縣北一里嶺左之水流縣前好溪歷

麗水青田以達溫州入海嶺右之水流龜溪歷

永康蘭溪以達杭州入江

三嶺 在縣西南三十五里麗水界高峻難陟
明耿再成築寨於此

茭嶺 在縣西北四十里界於武邑之要害處

馮公嶺 在縣南義士馮大杲所鑿宋楊億比

於蜀劍閣云

謝公岩 在縣南五里謝靈運守永嘉時嘗遊

此又名康樂岩今有康樂侯廟

仙榜岩 在縣東十五里峭壁千仞色頰一名

小赤壁

鼎湖石 在縣東二十里許曰獨峰曰玉柱峰

又名丹峰即石笋也前臨練水後迫步虛謝靈

運名山記縉雲山旁孤石屹然於雲三百餘丈

三面臨水周迴百六十丈頂有湖生蓮花東陽

記云昔軒轅乘車於此上昇車轍之跡猶存今

頂上松柏常青湖之深闊可知乾道括蒼志黃

帝鑄鼎荆山下既昇天後因名鼎湖又謂黃帝

披山通道遷往無常以兵師爲營衛蓋東遊至

此又云黃帝乘火龍飛昇小臣攀龍髯墮地今

山谷間有龍鬚草有火龍墩

金龍洞 在玉虛之後一統志云洞深不可測

道家所稱洞天者此也仙都志宋天禧四年投

金簡於中

桃花隘 在麗水界南去縣三十五里

好溪 在縣治前源出大盤山山橫互縉雲東

陽永康仙居四縣源深流長歷麗水達溫州一

統志云舊名惡溪刺史李邕改今名又云段成

式所改謝靈運云水出惡江至大溪清如鏡輿

地記云惡江兩岸連雲高岩壁立舊傳多怪溺人唐大中間段成式爲處州刺史有善政水怪潛消去

筦溪 在縣東七十里源出官山頂上清流急湍雲氣隱隱嘗有龍潛於此

百丈潭 在縣東一百二十里有三潭周圍皆石各百餘丈水深莫測岩瀑瀉練時有龍潛兩岸有二石竅各高百餘丈上竅通天下竅通潭

竅上冬暖夏涼昔周閭黎取雨於此曾有神應金花潭 在練溪陽谷洞前世傳鼎湖金蓮花瓣落此旁有鵲瀾洞

赤壁潭 在縣東六十五里卽岩門潭碧波洶湧遊魚如蟻南旁有岩壁峻百仞廣半里餘岩竅巢鳥飛鳴不絕下有茂林堪憩宋人鐫小赤壁三字於岩上

松陽縣 邵山 在縣治北五里許

玉旦山 三峰聯合狀若筆架縣之鎮山也

紫金山 石筍山 俱在縣西五里

射棚山 在縣東十五里形類射棚

馬鞍山 在縣西四十八里如馬鞍狀橫截水口陟其巔可遠瞰郡城中石龕昔有僧示寂於此每每見有衣紫衣出入山中遂爲立廟禱旱有應

七寶山 稍北舊出礦今絕

南洲山 山下有渡

獨山 在縣治南永嘉記云其山孤峙旁無連

接故名一名百仞山

戴火山 卽留明洞山多奇勝有戴火山廟

簪寮山 舊有銀冶今塞

小蘇山 舊有銀冶今塞

蟾湖山 高四千仞明正統間鄉之人築寨於此

石印山 有義和橋凡四十八座

道觀山 中有叢石如林有小桃源桃核洞臥雲岩浴丹井

九芝山 南岩山 俱在縣南十里

橫山 在縣南十里其狀如雲橫空中高三百丈山頂寬平可五百畝許

西屏山 在縣西二里形若屏障中有凌霄臺上方山 在縣西七里梁毛雲龍好黃老過戴火仙遂隱於此

卯山 時有怪石如松有枝有葉與西山相對各以方立名上有天師渠前臨清溪亦葉法善修真處

石甕山 在縣西南四十五里山有圓石如甕長松山 因以長松名縣一名牛首山上有龍潭有九雲峰葉法善解化於此

南嶺 最稱峻險西南一阨塞也橫溪之水出焉

望松嶺 在縣治西一里王右軍望松於此故名下有東阜亭上有王將軍廟嶺之上爲通衢設市集以一六日爲期

雲岩 有上下石洞洞口有樓臺有臥龍岡有

趙賣雷潘自然修真道院前有石釜冬夏常清不竭

南岩 幽勝甲於一邑中有半山亭妙高閣石

僧岩馬蹄泉蓮花洞抱膝亭又名小吳亭亭右

一石孤峙四明張卽之扁曰小峨嵋

烈婦岩 明正統末鄉人避於此守寨人何志

福通賊破之婦女皆投岩死故名上有石碁盤下有寺

松陽溪 上有界首橋及溪下有觀口上下二橋及觀口渡金梁渡有響岩橋至堰首會龍泉水經郡城達青田入於海

白龍津 有浮橋今廢續有二渡一成化間邑人跋田建一嘉靖間潘尚英建

遂昌縣 白馬山 在邑西二十里又名丁公山

君子山 在縣西南百步山麓多士夫家故名妙高山 秀麗峻拔蓋縣之近而尊者麓有半山亭今廢

屏風山 狀如玉展宋太常周述有草堂四味

會山 在縣西十里名文筆峯俗名尖山

塔山 與尖山相峙

魚袋山 在邑南溪許象雙魚袋故名有神屢著靈異

青城山 上有飛瀑龍井相公岩玉女芙蓉二

峯 唐山 在縣北一十八里有翠峰院山北有虎跑泉觀音羅漢二峯山下有東梅嶺

瑞山 在縣治南半里昔有異人煉丹於麓有紫雲之瑞其形如牛俗名眠牛

西明山 飛鶴山 俱在縣東十里

平昌山 在邑東十五里與孟山並兩山前後

如昌字縣古名平昌本此

孟山 前後相疊形如昌字

尹公山 在邑東三十里與百丈相連隋大業

中有尹姓者煉丹於此因名

牛頭山 峯巒層疊有九又名九雲峯與松陽

接壤世傳天師葉法善騎虎翔庵於頂至今雨

旱禱之有應

月山 瑞牛山 俱在縣西四十五里

湖山 在邑西七十里二水夾流稱名鄉

獨山 在縣西八十里一名天馬山一名赤壁

山下臨深潭石壁如削

金溪十峯

大樓岩 飛瀑四時不絕冬則凝結倒懸如玉

浮圖下爲龍湫者三十六奇勝爲一邑冠

石姥岩 西去有梭溪坑故有礦今絕

赤津嶺 在邑北六十里山勢峻絕兩山如門

北至衢州龍游惟一道可通明正德間知縣張

鉞以江西姚源之變因設寨焉又名新嶺隘

雙溪 大抵遂邑之水悉澗壑支流匯爲一川

源淺流迅頑石礫不可通舟

龍泉縣

黃鶴嶺 晉唐間龍泉號黃鶴鎮者以此乃縣

之鎮山也

九姑山 在縣治北百餘步昔縣令某九女葬此因名堪輿家謂有龍首像宋邑令范純孝建亭於上扁曰最高

石馬山 山巔巨石如馬有文筆秀才二峯

桃源山 在縣西二里

佛山 在縣東南十里又爲石基山縣治對之

豫章山 在縣南二十五里

九深山 在縣南三十里有水分九潭龍常居

之瀑水自岩頂飛下似簾宋宣和甲辰祈雨投

以所忌龍怒見於井首如羊頃刻水溢漂流數

百家

匡山 在縣西一百二里與浦城爲界元章溢

荆庵於此

昂山 青壁聳削四時雲霧晦冥頂有平石方

丈古刻雲臺二字旁有石棺石屏石道士石廚

之類各以肖形而名宋真德秀生於斯因號西

山示不忘本

鳳凰山 在縣西四里五代錢氏時有鶴衣道

人日醉山下爲里婦所辱乃嘔紙爲鶴乘之西

去後人因建祠卽今報恩光孝宮是也

天台山 相傳中有小澗桃花片片流出門北

一墟似石非石瑩白可愛其山秀麗挺拔爲一

邑勝槩頂有疊嶂亭下有集福寺

疏華山 在縣南七十里高出境內諸山其巔

平廣有長湖深不可測相傳舊有古剎龍興雲

雨沒而爲湖下爲疏田畝久廢

石笏山 在縣西四十五里

孝義山 在縣西五十里古傳鄉民有孝義者居此又有孝童盧猛亦居此

碁盤山 在縣東一百里

湖臺山 在縣西南八十里相傳梁時邑人丘

鼓採樵於山忽遇澄湖橋林杳非人間見二叟

對奕及還已期年矣

龔村嶺 敵樓設於此

昌門嶺 下有安仁鄉士多誦讀距景寧九十

里而遙

武溪嶺 龍泉雲和分界於此

白雲岩 上有五顯神廟相傳宋德祐中幼主

過此日暮屯兵其上俾各負溪石爲壘管師復

隱此

秦溪 劍池湖在其陰

稽聖潭 舊有橋互縣學水口以故有宋人才

特盛久廢

慶元縣

松源山 在縣治去郡獨遠勢若建瓴

象山 在縣治西北一里

薰山 在縣西十二里

錦山 與薰山相對

文筆山 仙桃山 俱在縣西十五里

天馬山 去城南二里近而尊者

霞帔山 晨曦光射闌闔輝映如金碧色

溫陽山 在縣西南六十里

百丈山 在城西三十里懸崖孤峭下有龍湫

相傳爲馬氏女棲真所丹成仙去云

鳳凰山 與認榜二山相峙若飛翥比翼高入雲漢

石龍山 西北數百步蟠據若龍伏而再起顯如卓筆因名文筆

橫嶺 在治東八十里連互雲中入於閩界

安溪 水出掛榜山下東流過蓮橋經龜田溪

銅鉢潭出芸洲橋下合槎溪之流匯大溪水其間有長田堰灌田四十餘頃有永安橋武定橋又有六龜橋今廢

雲和縣

鯉魚山 在縣北五十步許狀若魚首有石室如魚口最爲秀拔陟其巔一境形勝可舉目而盡

龜山

象山 俱在縣東二里

婁狗山 在縣北二十里爲縣鎮山上有石屋石筍下有清泉旱禱響應山之麓有陰岩坑金封塞

鳳凰山

在縣西北五里

牛頭山 山下有水淵禱雨輒應

大杉源山 西爲雲和東爲麗水

白龍山 環拱縣治屹如屏嶂頂有冷泉出石竅中又有龍潭白雲從山頂起則天輒雨

武岱山 中建庵宇有石竅出泉冬夏不竭大雄峯卽山之巔爲黃家畝通景龍慶三縣舊有銀坑爐冶今並廢

香火山 在縣東三十里昔人以山有靈應往往埋爐以棲神歲遇旱尋爐以祈雨輒應

安溪嶺 兩山叢峽足以控禦路通景寧

規溪潭 達麗水界縣北之襟帶也

宣平縣

占鰲山 從縣北二里而來

台山 在縣北二十里

歐溪山 在縣東五里相傳歐冶子鑄劍於此樓臺殿閣山其狀儼肖

巖坑山 在縣西北三十里

墨山 高聳千仞其色黢然

栗山 白馬山 俱在縣西五里

楓樣山 在縣西一十五里山巔有唐葛周廟

俞高山 玉嶺山 俱在縣南六十里

竹客嶺 又名寨頭可防禦松陽分界

東岩 在縣西五十里四面陡絕惟一徑捫蘿可入一名赤石樓

西岩 又西四十步與東岩對峙麗水何鏗記海內稱十大洞天括蒼居其一環括蒼千里內

名山川以什數惟青田之石門爲最勝縉雲之仙都爲最奇穹窿崛起中嵌洞穴怪偉環峙莫過於宣平之東西兩岩

白泄岩 一名雲岩高百餘丈止一徑可扳蘿而上明正統間寇亂鄉人避難於其巔

虎蹟溪 在縣南六十里雙澗合流昔有人擊虎於此石上有虎跡存

景寧縣

桂山 在治北山上有突石方正如印旁生奇木以陰之自福建壽寧至此

玉泉山 麓有泉滴岩清瑩如玉故名有洗心亭邑人胡岳建又曰鶴溪洞天

香山 對縣又爲天馬山千岩競秀爲一邑勝槩

牙山 麓有釣臺古跡世傳浮丘伯隱釣於此

筆架山 在縣北二里

勅木山 高數千仞積雪經旬不消

石牛山 在縣南二里高百丈頂有巨石黑色旋伏如牛故名

烏鐵岩 在治東半里時雨初霽石色如鐵其第二峰尤陡絕元末民避難於此皆獲全

盧棲洞 唐道人盧敖栖其中洞旁多笋味甚佳亦號爲盧笋岩畔生竹無風自動人異之

沐鶴溪 古浮丘伯沐鶴於此故名沐鶴溪爲一縣之勝

大匯灘 東下五十里

處州府城池考

本府 麗水縣附郭

處州府城池 據山爲城因溪爲池阻西北而獨守東南城高三丈有五周圍七百九十有二丈爲六門北曰望京東曰巖泉東南曰行春南曰南明西南曰括蒼西北曰會通城樓六所每所三楹雉堞三千有六守舍六十有九官廳六處月城四區望樓二所敵樓四所萬象山八角樓一所今廢初府城在今城東七里人稱爲古

府志

城即其地也唐中和間盜盧約竊據是州徙今地宋宣和間重修元至元二十七年處州路總管幹勤好古萬戶石抹良輔創議修築因舊址之半委麗水縣尹韓國寶督役東北掘地爲池因土爲城南以溪爲池壅堤爲城西就山爲城並溪爲池至明仍舊每加修築嘉靖四十二年知府張大韶重修加築隨處包以石頗稱堅緻崇禎七年冬行春門城樓傾倒知府朱葵從新鼎建扁其樓曰開泰樓八年五月初十日大水四圍城垣衝塌殆盡括蒼南明行春三門濱溪被害尤甚水從應星樓前衝城而入淹沒官民廬舍知府朱葵推官王明汲親往相視重加修葺一新按通志

皇清順治十五年增築

外縣

青田縣城池 城高二丈八尺厚二丈表以四門東曰龍津西曰錦屏南曰行春北曰丹山明嘉靖三十五年縣丞熊纓築三十八年知縣丁一中改築城門萬曆三十七年八月洪水衝塌三十九年知縣方淡然改修天啓三年洪水衝沒民房城堦傾倒幾半崇禎五年東甌寇至震鄰邑民徬徨無措訓導王炳翰率士民告急知縣翟士傑縣丞胡中龍嚴加防護重新修葺縉雲縣 無城有關門三東曰東門南曰南門北曰北門松陽縣 無城有關門四東曰光華南曰濟川西曰治平北曰朝天

遂昌縣 無城有關門四東曰迎恩南曰南明西曰鎮西北曰朝天俱屬短垣依山臨溪明萬曆丁未知府鄭懷魁移文本縣知縣辜志會重加修葺至今賴保障焉

龍泉縣城池 元季胡仲淵相地將城之欲南阻溪西北跨天台烏石九始歷居雲諸山抵東垺而止然三面阻險惟東垺平坂乃斜決大溝通溪水蔓引爲東城之壕亦因壕以示城築當基之處復先建四門以標的之未果迄今城門雖廢而其壕猶有存者慶元縣城池 明嘉靖二十五年知縣陳澤始築高十八丈厚十四尺一千五百六十垛門四東曰豐仁初名壽寧南曰濟川西曰薰阜北曰雲龍東北中建望京臺

皇清順治五年燬西北界知縣張應亮從民請增開

小水門名曰太平西南倚山西北臨河東南鑿池廣二丈深一丈東流至北與大溪水合明嘉靖四十一年署縣事通判周紳改築西城於西山之巔計六十餘丈高一丈八尺厚一丈五尺萬曆十六年四月蜃水夜發衝壞北城七十三丈知縣詹乘龍重築崇禎十五年知縣楊芝瑞重修環增磚垛三尺建城樓五

皇清順治年燬其四窩鋪一十二東南敵樓臺各一時壽寧山寇猖獗不敢窺城而遁邑人歡呼稱揚功德康熙七年知縣程維伊重建城樓四十二年再建望京臺雲和縣 城池無止東關西關門樓各三間以

次民兵以盤詰奸細俱明嘉靖壬午知縣胡希銓重建宣平縣城池 宣邑本村落署之西偏爲巡司舊址邑後瞻峯帶水理經尋絡苟簡爲治有關門四東曰麗春南曰迎恩西曰太平北曰拱北景寧縣城池 按通志無城有關門四東曰行春南曰統政西曰毓秀北曰拱辰

處州府關梁考 通志府志合載

本府 麗水縣附郭

- | | |
|------|--------------|
| 清香橋 | 通惠門西五十步 |
| 張公橋 | 世傳呂洞賓曾洗紙被於下 |
| 濠頭橋 | 梨園橋 槐花橋 |
| 廣運橋 | 應星橋 黃靈橋 |
| 明秀橋 | 樹德橋 以上俱在城內 |
| 雨橋 | 丁橋 靈昭橋 |
| 行春橋 | 桑溪橋 太平橋 |
| 通濟橋 | 濟川橋 造船爲之俱在城外 |
| 青田縣 | |
| 永濟橋 | 在上店一名上店橋 |
| 惠濟橋 | 觀橋 龍門橋 |
| 黃浦橋 | 小洋橋 鶴昇大橋 |
| 百丈溪橋 | 在南田水口其溪去橋一里 |
| 麗澤橋 | 在縣南二里 |
| 攜仁橋 | 黃奧橋 謝橋 |
| 潘橋 | 黃店橋 毓秀橋 |

縉雲縣

朝京橋

濟涉橋

張公橋

荆坑橋

霧坑橋

溶坑橋

在十六都邑人丁世隆建

雙溪橋

清風橋

訪溪橋

長瀾橋

在二十二都明萬曆間邑人朱昌建

溪頭橋

桂香橋

猛將橋

在縣東北六十五里下潛地方

巖潭橋

西坑橋

松陽縣

光華橋

平濟橋

龍衣橋

五福橋

青蒙橋

裕溪橋

通濟橋

安樂橋

濟川橋

在縣南三里舊有浮橋今改板橋

響石橋

崙溪橋

中仙橋

仁濟橋

夫人殿橋

迴龍橋

仙人橋

在白雲山上

遂昌縣

雙溪橋 在縣東一里舊名迎恩元至大元年

主簿楊某建今圯

三峰橋

永安橋

瑞仙橋

平政橋

安定橋

衆安橋

好村橋

太和橋

香城橋

石印橋

盤溪橋

畫錦橋

垂虹橋

通駟橋

梭溪橋

龍泉縣

稽聖橋 在縣東一里

積石橋 在安仁邑人劉克光建

永和橋 明萬曆五年里人項訓劉鳳韶柳點

建

白鴈橋

道泰橋

武溪橋

小梅橋

黃楠橋

豫章橋

濟川橋

去縣治三百步米元章書額

慶元縣

太平橋

興賢橋

大明橋

攀龍橋

連鰲橋

武定橋

安樂橋

芸洲橋

阜梁橋

蓬橋

駟馬橋

關門橋

觀音橋

登雲橋

雙龍橋

槎溪橋

在縣西二十里明萬曆二十二年壞

于蜃水知縣鄧建邦重建名曰通濟有縉雲鄭

汝璧記

雲和縣

縣前橋 在縣南

對衙橋

在縣東

官舍橋

在儒學前

石門橋

在縣東五里

宣平縣

三元橋

通濟橋

山坑橋

思恩橋

在縣西南二十五里今廢

景寧縣

鶴溪橋

忠順橋

乾坑上下橋

聚仙橋

梅洪橋

欽定古今圖書集成方輿彙編職方典

第一千二十八卷目錄

處州府部彙考二

處州府公署考

處州府學校考 書院社學附

處州府戶口考

處州府田賦考

職方典第一千二十八卷

處州府部彙考二

處州府公署考

本府 永嘉附郭

通志府縣志合載

府治 舊在小括蒼山巔隋開皇間開建唐武

德中改爲括州治天寶元年改爲緡雲郡治後

復爲處州治元至元二十七年移於城東南建

今治至正十三年改爲總管府治明弘治十年

重建廳事成化間燬於火知府郭忠重建嘉靖

三十九年又燬知府謝教重建

經歷司 照磨所 俱在治內

司獄司 在儀門外

稅課司 在府治西南一里許今廢

雜造局 在府西城隅

永豐倉 在府治西南

預備倉 在永豐倉內

陰陽學 醫學 並在府治南街東

惠民藥局 在醫學內

僧綱司 在法海寺

道紀司 在元妙觀

察院行臺 在府治西北一里前有紀綱重地

坊

布政分司 在府治東南

按察分司 在府治西北

分守道 在府治南一里前左有屏翰坊舊爲

察院明萬曆二十五年右叅政馮時可立禁約

條款刻石於大門外

兵巡道 在府治南分守道之東前左有澄清

坊

麗水縣治 舊在府治西三十五里資福村元

大德中遷府治東中爲體仁堂東西列房科甬

路有石箴亭前爲儀門正堂後爲穿堂額曰冰

玉爲後堂額曰協恭有冊房縣庫在焉崇禎七

年右庫甃磚爲藏左冊房新爲嘯竹軒又後爲

知縣宅前儀門外東爲土地祠西爲縣獄萬曆

四年知縣錢貢移土地祠於左改創告善堂大

門外後復遷今所正統八年更新之崇禎八年

從新修築

縣丞宅 在正堂旁

主簿宅

典史宅 在堂東有題名碑

稅課司 在元和鄉今革

預備東倉西倉 並在縣東南軍器局右

養濟院 在行春門外中建廳事額曰子惠左

右爲屋各十五楹以居民之貧獨者有土地祠

有池塘園地

外縣

青田縣治 在青田山下中爲忠愛堂左贊政

廳右耳房庫東西列曹吏房科東廊下爲土地

祠堂前甬道爲石箴亭又前爲儀門者三正堂

後爲穿堂爲後堂爲知縣宅儀門外左爲架閣

庫爲存畱倉右爲敬客堂爲縣獄前跨澗爲石

橋左右列吏舍橋外爲大門門之上爲譙樓

談洋巡檢司 在瑞安境北去縣南一百七十

里明洪武五年建

黃壇巡檢司 在縣北一百二十里明洪武五

年建今革

稅課司 在縣西二里濱於溪今革

存畱倉 在縣治內俗名官房倉

預備倉 在縣東百步舊名東郭倉

東倉 在一都攜辰今廢

南倉 在七都白岩今廢

西倉 在二十三都石帆今廢

北倉 在六都小垵今廢

陰陽學 明洪武十七年間設今廢

醫學 明洪武十七年間設在縣前西今廢

僧會司 在福勝寺

道會司 在崇道觀

布政分司 在縣西北舊稅課局因裁省改建

按察分司 在縣東五十步今廢

府館二所 一在福勝寺一在鍊奧今廢

養濟院 原在東龍門橋之南今在縣西北

緇雲縣治 在窪尊山西二百步唐嗣聖時置
縣治於此元季重建明洪武二年新之萬曆戊
午重建後廢黃廷賓重造

皇清順治中重建正廳儀門東西兩房衙舍譙樓縣
獄康熙十一年重建內衙正廳儀門二十年建
葺盡復舊制煥然一新

縣丞衙 在正衙東正廳三間東西廊屋六間
大門三間寢屋一所久廢知縣霍維騰建

典史衙 在正衙西如縣丞衙制久廢知縣霍
維騰建

主簿衙 在正衙西裁廢

陰陽學 三間在縣西久廢

醫學 二間在縣東久廢

惠民藥局 在縣南

僧會司 在仙岩寺

道會司 在祐聖觀

常平倉 知縣霍維騰建

存留倉 在縣東七十里

社倉 在縣北三里

預備四倉 東倉在縣東七十里南倉在縣南

二十里西倉在縣西二十里北倉在縣北十里

俱廢

察院 大堂三間東西廊屋各五間大門三間

儀門三間寢屋二層臥堂一間廂房六間知縣

霍維騰重建

按察分司 在儒學後

布政分司 在山川壇側

府館 在布政司側

五雲館 在縣北三十五里

仙都公館 在陽谷洞側

却金館 在縣南四十五里

養濟院 在縣北五十步

松陽縣治 在縣北隅中為忠愛堂左贊政廳

右耳房庫東西列房科前甬道為戒石亭又前

為儀門者三正堂後為穿堂為知縣宅有仰高

亭又前為寅賓館吏舍儀門外東為土地祠為

存留倉西為縣獄外為大門門之上譙樓

縣丞宅 在堂東

典史宅 在堂西

淨居巡檢司 在二十四都明洪武二十八年

建今廢

稅課司 在縣治東南今革

預備倉 一在惠洽鄉一在九芝鄉一在布和

下鄉一在旌義鄉一在移風鄉

義徵倉 在縣西二十步舊為布政分司及社

學二址明隆慶四年同知江應昂改建貯寺觀

入官田八十一頃官收租穀

陰陽學醫學 並在縣治南

惠民藥局 在醫學側

僧會司 在治平寺

道會司 在逍遙觀

布政分司 在縣西北

按察分司 在縣治東又舊有都府太監府察

院行臺錦衣行臺府館今並廢

養濟院 在縣北朝天門外

遂昌縣治 在君子山麓中為親民堂左贊政

廳右架閣庫堂前甬道為露告亭為箴石亭東

西列房科東曹下為際畱倉前為儀門者三後

為穿堂為君子堂額曰高大光明左耳房庫庫

後為澹泊齋左為貯冊庫右為知縣宅又前為

吏廨儀門外左為土地祠為寅賓館為獄又前

為大門門之上為譙樓

馬步巡檢司 在十二都歲久就圯奉裁今復

新之然亦不往駐在城理事

預備倉 在報願寺東

社倉 在報願寺內預備倉之左明萬曆二十

七年知縣段弘璧奉巡按李公楠建置今廢

義倉 在報願寺預備倉之前明崇禎元年知

縣胡順化奉分守溫處道張公福臻建置今亦

廢

陰陽學醫學惠民藥局 並在縣東一百步

僧會司 在報願寺

道會司 在壽光宮

申明旌善二亭 分列儀門外左右

按察分司 在邑東元大德七年縣尉衛琮創

建續改察院明崇禎八年知縣何廷棟重建大

堂

皇清康熙十三年廢康熙三十四年知縣韓武建為

常平倉

布政分司 在報願寺右今廢

府公館 在報願寺內今廢

瞻華公署 在邑北四十里界接龍游知縣鍾宇淳勸建推官易騰雲重修自是客使有憩宿處不復入旅店矣

飯堂公館 在十四都去縣六十里

鼓樓公館 在十四都去縣九十里二館俱界接龍泉今廢基存

養濟院 在邑東城外十里許

龍泉縣治 在九姑山之陽中爲忠愛堂左贊政廳右架閣庫東西列房科堂前甬道爲戒石亭又前爲儀門者三正堂後爲穿堂爲後堂左爲廂房右耳房庫儀仗庫堂北爲知縣宅宅後有九姑祠儀門外東爲際畱倉爲土地祠爲寅賓館西爲獄外爲大門門外爲三思石橋又外爲譙樓

慶元巡檢司 在查田市

稅課局 在縣市濟川橋東

常平倉 在縣治左

際畱倉 在縣東

勸儲倉 在縣譙樓左今並廢

預備倉五 一在縣北隅一在安福一在獨田

一在高浦一在縣治北六十里

陰陽學 在縣北

醫學缺

惠民藥局 在縣前旌善亭側

僧會司 在東崇因寺

道會司 在西萬壽宮

申明旌善二亭 在譙樓內東偏其隅都各分

建一亭名同

布政分司 在北畫錦坊內今廢

按察分司 在北澄清坊上明嘉靖四年知縣朱世忠建又燬

皇清順治九年知縣徐可先重建

府館 在縣北應奎坊之內其地原係都府今廢

公館 在東崇因寺內偏西明正德八年建今改建社學

蛤湖公館 在東二十一都下管蛤湖

駐節公館 在北二十一都內管吳岱

小梅公館 在南一都

舊府館 在北鎮東廟下館廢址存

梓亭巡檢司 在松源鄉舊設以轄龍泉遂昌

慶元松溪政和等縣今廢

養濟院 在縣西隅後巖廟南明洪武間建歷年修葺周圍牆垣四十餘丈中爲房屋數十間以處民間孤貧殘疾不能自存者每月中人給米各三斗春夏各給布一疋仍時加賑恤

慶元縣治 在城東北宋慶元三年始建元至

正一十六年重建明洪武十四年復立縣再建

二十七年拓建弘治間重修中爲忠愛堂左爲

贊政廳後爲耳房庫右爲茶房堂前甬道爲戒

石亭東列吏戶禮承發四房西列兵刑工鋪長

四房

皇清順治五年康熙元年相繼重建

縣丞宅 在縣東

主簿宅 舊在巡捕宅前明嘉靖七年建

府館 在縣東豐山門外明初建在四隅興賢坊嘉靖間知縣陳澤築城買爲民地遷建於此

中爲正堂者三後爲穿堂又後爲內堂者三東

西列廊房廚房前爲儀門者三又前爲大門者

三

皇清康熙八年知縣程維伊重修

按察分司 舊在城北西隅石龍街明末知縣

董大本建久廢址存

竹溪公館 在九都竹口明嘉靖間知縣陳澤

以地界浙閩爲上司駐節之所上請鼎建顏其

堂曰成遠

皇清順治十三年寇燬康熙十年知縣程維伊捐俸

命里人閻世典項一中金有德督建

小梅公館 明洪武間知縣董大本建址存

布政分司 在城北西隅石龍街明知縣董大

本建嘉靖二十五年知縣陳澤築城買爲民地

稅課司局 在城西太平橋東明弘治二年以

本縣帶辦其址買爲民地

陰陽學 舊在西隅絃歌坊築城買爲民居明

嘉靖二十五年知縣陳澤改建東門內府館前

久廢址存

醫學 舊在西隅太平橋東明嘉靖二十五年

知縣陳澤買價築城久爲民地改建於府館前

陰陽學左扁曰惠民藥局址存

僧會司 在集善堂

道會司 在東隅桂香坊明知縣董大本建嘉

靖二十五年知縣陳澤賀築城久爲民地
預備倉 在縣西大街東

養濟院 又名存卹在縣北石龍寺左明崇禎
十六年知縣殷佑宗重建舊址在縣治東隅上
倉因嘉靖間知縣陳澤賀築城改建此

雲和縣治 在鯉魚山南中爲忠愛堂左贊政
廳右耳房庫前堂甬道爲戒石亭東西列房科
東廊後爲預備倉前爲儀門者三正堂後爲穿
堂爲後堂左架閣庫右儀仗庫又後爲知縣宅
左吏舍儀門外東爲寅賓館館後爲土地祠西
爲獄又前爲大門門之上爲譙樓

陰陽學 醫學 並在縣西

僧會司 在大慶寺

道會司 在萬壽觀

布政分司 在縣西南二百步明景泰癸酉知
縣顧立建正廳三間後堂三間東西廊房十間
二門三門外門一座

按察分司 在縣治西南二百步歲久傾朽明
嘉靖癸未知縣胡希銓重修正廳三間後堂三
間東西廊房十間二門三門外門一座

府館 在縣西南二百步布政分司之右今廢
址存

石富官局 在五都離縣二十里乃管坑內臣
治事之所舊名太監局今廢址存

黃家畬太監局 在三都去縣三十里乃管坑
內臣治事之所今廢基存

養濟院 在縣東一里許

宣平縣治 在占鰲山南中爲忠愛堂左幕廳
右耳房庫東西列房科堂前甬路爲戒石亭又
前爲儀門者三正堂後爲穿堂後堂左冊局右
儀仗庫又後爲知縣宅儀門外東爲土地祠西
爲獄又外爲大門門之上爲譙樓

鮑村巡檢司 在縣北四十里

陰陽學 醫學 並在縣東

僧會司 在普照寺

道會司 在冲眞觀

布政分司 在縣東

按察分司 在布政分司西各有正廳後堂東
西廊中外門廚房今廢

府公館 在布政分司東

使客館 在縣東規制如府公館而稍減今並
廢

清平館

在縣東五十里清平寺中往來使客
於此駐憩亦廢

接官亭 在縣北五里妙眞觀前

養濟院 在縣南迎恩門外

景寧縣治 在桂山石印下中爲忠愛堂左贊
政廳右耳房庫堂前甬道爲戒石亭明隆慶元

年修建東西列房科西曹下爲際畱倉又前爲
儀門門之上爲譙樓正堂後爲穿堂額曰帥正

爲後堂左儀仗庫架閣庫右冊局又後爲知縣
宅左爲造冊局儀門外左爲土地祠爲寅賓館

右爲獄爲茶房正中爲屏門又外爲大門

皇清康熙二十二年知縣劉宗沛設法重建

沐溪巡檢司 在縣南五十里大滌村舊在今
按察分司明景泰三年徙今所

廬山巡檢司 在縣西一百里明正統五年青
田知縣吳安建舊志云二司皆虛設

預備倉 在縣西南百步舊有廩十楹明萬曆
間知縣林喬松拓建四楹額曰國計

際畱倉 在縣儀門內西明正德間知縣陳傑
創凡官吏孤老俸糧存積於此今例折徵

陰陽學 醫學 並在縣北五十步明景泰
三年建

僧會司

道會司 各就其所居寺觀

布政分司 在縣北一里明景泰三年建嘉靖
六年知縣程達重修

按察分司

在縣北二十步卽巡檢司舊基明
景泰三年因設縣治徙巡檢司于五都卽其地

創爲分司嘉靖六年知縣程達重修前門三間

隆慶壬申民居失火延燒知縣陳嚴之重建
府館 在縣西三十步明景泰三年建今巡檢

寄居其中

官局 在縣西一里明天順間縣丞陳鏞立今
圯

養濟院 在縣北五十步明成化十九年主簿
周廉建

周廉建

周廉建